

# STATUTI

I SHOQËRISË ME PËRGJEGJËSI TË KUFIZUAR

“INFOBIZ ADMINISTRIM” SH.P.K.



**STATUTI**  
**I SHOQËRISË ME PËRGJEGJËSI TË KUFIZUAR**  
**“INFOBIZ ADMINISTRIM” SH.P.K.**

Shoqëria tregtare me përgjegjësi të kufizuar “**INFOBIZ ADMINISTRIM**” SH.P.K, që këtu e më poshtë do të quhet “Shoqëria”, zotërohet nga ortakët:

1. **Z. ERINDI MILO**, atësia **RAFAIL**, shtetas shqiptar, lindur më 20.10.1988, në BULLGARI, identifikohet nëpërmjet kartës së identitetit me nr. personal I81020092N.
2. **Z. ARMANDO SHEHI**, atësia **BESNIK**, shtetas shqiptar, lindur më 08.07.1989, në TIRANE, identifikohet nëpërmjet kartës së identitetit me nr. personal I90708073N.
3. **Z. BESNIK ÇANGU**, atësia **RAMAZAN**, shtetas shqiptar, lindur më 27.09.1982, në KAMËZ, identifikohet nëpërmjet kartës së identitetit me nr. personal I20927103S.
4. **ZNJ. FIORENTINA AGO**, atësia **KOSTANDIN**, shtetase shqiptare, lindur më 08.05.1982, në ELBASAN, identifikohet nëpërmjet kartës së identitetit me nr. personal I25508231B.

Në përputhje me vullnetin e tyre të lirë dhe bazuar në dispozitat e legjislacionit shqiptar, vendosën të hartojnë këtë Statut të shoqërisë “**INFOBIZ ADMINISTRIM**” SH.P.K, mbi bazën e këtyre principeve:


**KAPITULLI 1**  
**EMRI, FORMA, BAZA JURIDIKE, SELIA, TERRITORI**

**NENI 1**  
**FORMA DHE EMRI**

**1.1** Shoqëria ka formën e shoqërisë me përgjegjësi të kufizuar, me initiale Sh.P.K, të cilat vijnë menjëherë pas emrit të shoqërisë. Kjo shoqëri i përballon humbjet deri në kufirin maksimal të vlerës së kontributit të ortakëve në kapitalin themeltar të shoqërisë

**1.2** Emri i shoqërisë është “**INFOBIZ ADMINISTRIM**” SH.P.K. Forma dhe emri i shoqërisë mund të ndryshohen me vendim të Asamblesë së Përgjithshme të Ortakëve.

**NENI 2**  
**BAZA LIGJORE**



Shoqëria është themeluar dhe do të funksionojë në përputhje me Ligjin Nr. 9723, datë 03.05.2007 dhe Ligjin Nr. 9901, datë 14.04.2008, në përputhje me legjislacionin shqiptar në përgjithësi, në përputhje me aktet e shoqërisë si dhe në përputhje me marrëveshjet ndërkombëtare të ratifikuara dhe që do të ratifikohen në të ardhmen nga Republika e Shqipërisë.

### **NENI 3**

#### **SELIA**

Selia e shoqërisë është në adresën: Rruga "Korabi", ndërtesa nr. 001, Valias, Bashkia Kamëz, Shqipëri.

Me adresën e mësipërme do të identifikohet qendra e personit juridik. Me vendim të Asamblesë së Ortakëve, mund të hapen degë, filiale, agjensi ose përfaqësi brenda territorit të Republikës së Shqipërisë sipas fushave në të cilat e ushtron veprimtarinë.

### **NENI 4**

#### **TERRTORI**

**4.1** Shoqëria e zhvillon aktivitetin e saj lirisht si brenda ashtu edhe jashtë territorit të Republikës së Shqipërisë.

**4.2** Shoqëria mund të krijojë zyra ose përfaqësi të saj brenda dhe jashtë territorit të Republikës së Shqipërisë. Zyrat, filialet ose përfaqësitë e shoqërisë jashtë territorit të Republikës së Shqipërisë do të zhvillojnë veprimtarinë e tyre në përputhje me legjislacionin e vëndeve përkatëse.

## **KAPITULLI II**


### **OBJEKTI DHE KOHËZGJATJA E SHOQËRISË**

### **NENI 5**

#### **OBJEKTI I VEPRIMTARISË**

Shoqëria "INFOBIZ ADMINISTRIM" SH.P.K është e organizuar në formën e një shoqërie Administrimi, pastrimi dhe shërbime të ndryshme, në Republikën e Shqipërisë dhe në territoret e tjera dhe ka si objekt të veprimtarisë së saj:

- Administrimin e bashkëpronësisë në ndërtesa.
- Administrimin e pasurive të paluajtshme dhe të luajtshme.



- Administrimin dhe mirëmbajtjen e parkingjeve.
- Shërbime pastrimi.
- Agjensi imobiliare.
- Riparime dhe shërbime të ndryshme utilitare nëpër prona.
- Konsulencë në menaxhimin e burimeve financiare dhe administrative.

Me qëllim arritjen e objektit të saj, shoqëria me vendim të organit kompetent, mund të zotërojë në mënyrë të drejtpërdrejtë apo të tërthortë pjesëmarrje në shoqëri apo ndërmarrje të tjera, shqiptare apo të huaja, të aktiviteteve të ndryshme, pjesëmarrja në shoqëri që për llojin e tyre nuk ofrojnë përgjegjësi të kufizuar, miratohet paraprakisht nga Asambleja e Ortakëve.

## NENI 6 KOHËZGJATJA

Shoqëria zhvillon aktivitetin saj për një afat të papërcaktuar në kohë, duke filluar nga data e regjistrimit në organin kompetent, Qendrën Kombëtare të Biznesit. Shoqëria priset dhe kalon në procedurë likuidimi me vendim të Asamblesë së Ortakëve, si dhe në rastet e tjera të parashikuara në legjislacionin në fuqi.




## KAPITULLI III KONFIDENCIALITETI, DOKUMENTET E DESTINUARA PËR TË TRETËT

### NENI 7 KONFIDENCIALITETI

Ortakët e shoqërisë si dhe personat e tjerë të pranuar në shoqëri, bien dakord që të mos i ekspozojnë asnjë personi të jashtëm informacionet që do të disponojë shoqëria, kontratat që ajo do të lidhë, çdo lloj materiali, si dhe planet ose qëllimet që ajo ka për të ardhmen e saj.

### NENI 8 DOKUMENTET E DESTINUARA PËR TË TRETËT

Të gjithë aktet dhe dokumentet që nxirren nga shoqëria dhe të destinuara për të tretët, si letrat, faturat, lajmërimet dhe publikimet e ndryshme, etj., duhet të tregojnë lexueshëm emrin e shoqërisë

dhe pas tij fjalët “Shoqëri me Përgjegjësi të Kufizuar” ose inicialet “Sh.P.K.”, si dhe emrin e administratorit ose të administratorëve.

## KAPITULLI IV

### KAPITALI THEMELTAR, KONTRIBUTET. PJESËT DHE TRASFERIMI I TYRE

#### NENI 9

#### KAPITALI THEMELTAR

9.1 Kapitali themeltar i shoqërisë është 10.000 (dhjetë mijë) Lekë, plotësisht i shlyer nga ortakët, i ndarë në 4 (katër) pjesë të barabarta me vlerën 2.500 (dy mijë e pesë qind) Lekë secila. Kapitali themeltar i shoqërisë zotërohet nga:

|                        |     |
|------------------------|-----|
| 1. Z. ERINDI MILO      | 25% |
| 2. Z. ARMANDO SHEHI    | 25% |
| 3. Z. BESNIK ÇANGU     | 25% |
| 4. ZNJ. FIORENTINA AGO | 25% |

9.2 Kapitali themeltar i shoqërisë është shlyer tërësisht dhe depozituar në një llogari të hapur në emër të shoqërisë në një nga bankat e nivelit të dytë.

#### NENI 10

#### TË DREJTAT E ORTAKËVE NË LIDHJE ME KAPITALIN

10.1 Zmadhimi dhe zvogëlimi i kapitalit themeltar të shoqërisë kryhet sipas vendimit të Asamblesë së Përgjithshme të Ortakëve, me shumicën 3/4 (tre të katërtave) të kuotave të kapitalit themeltar të shoqërisë.

10.2 Në rast zmadhimi të kapitalit themeltar, i përket ortakëve e drejta me zgjedhjen mbi kapitalin në zmadhim, në proporcion me kuotën e kapitalit që kanë në pronësi. Nëse ndonjëri nga ortakët nuk do të nënshkruaj kuotën e tij të kapitalit në zmadhim, e drejta e zgjedhjes do ti përkasë ortakëve të tjerë. Duke mos e ushtruar ortakët të drejtën e zgjedhjes, kapitali në zmadhim i pa nënshkruar do të nënshkruhet nga palë të treta.

10.3 Përgjegjësia e ortakëve për detyrimet e shoqërisë shtrihet deri në vlerën e kontributit të tyre në kapitalin e saj themeltar.

10.4 Kuotat e kapitalit të shoqërisë nuk mund të rëndohen lirisht me barrë siguruese apo të drejta të tjera reale. Në rast shitje të kuotave të kapitalit themeltar të shoqërisë për efekt zbatimi të një vendimi gjyqësor apo përmbushjeje të një detyrimi, enti që ekzekuton vendimin ose detyrimin

(zyra përmbarimore ose ndonjë organ tjetër kompetent), duhet të ketë në konsiderate respektimin kërkesave të nenit 13 të këtij statuti. Secili ortak që rëndon me barrë apo të drejta të tjera reale kuotat e tij, ka detyrimin të shpjegojë NENIN 13 të këtij statuti, subjektit në favor të cilit vendoset barra siguruese.

**10.5** Secili ortak ushtron të drejtat pasurore të parashikuara nga ligji në proporcion me kuotat e pjesëmarrjes në kapital.

**10.6** Ortakët që nuk marrin pjesë në administrimin e shoqërisë kanë të drejtë të kërkojnë organit administrativ informacione mbi aktivitetin e shoqërisë, si dhe të konsultojnë dokumentet kontabël e dokumentet e tjera që lidhen me administrimin e saj.

## **NENI 11**

### **FUSHA E AUTORITETIT TË ORTAKUT**

Fusha e autoritetit të ortakëve, përqindja e fitimeve ose e humbjeve do të kenë si kriter bazë kontributin e çdo ortaku në kapitalin e shoqërisë, si dhe kompetencat që gëzon ortaku në marrjen e vendimeve të çdo karakteri, të përcaktuar në këtë statut.

## **NENI 12**

### **FINANCIMI I SHOQËRISË**

**12.1** Organi administrativ, në përputhje me dispozitat ligjore në fuqi, ka të drejtë të kërkojë nga ortakët fondet e nevojshme për arritjen e objektit të shoqërisë.




**12.2** Financimet e mëtejshme të ortakëve do të jenë me shpërblim (interesa) apo pa shpërblim, në varësi të titullit nëpërmjet të cilit jepen këto fonde.

## **NENI 13**

### **TRASFERIMI I PJESËVE TË KAPITALIT**

**13.1** Kapitali themeltar i shoqërisë ose pjesë të tij mund të transferohen lirisht mes ortakëve të shoqërisë. Kapitali themeltar i shoqërisë ose pjesë të tij mund të transferohen tek persona të tretë vetëm pasi ortakët e shoqërisë në përputhje me dispozitat e legjislacionit shqiptar zyrtarisht kanë refuzuar ushtrimin e të drejtës së parablerjes.

**13.2** Transferimi i kapitalit themeltar të shoqërisë ose i pjesëve të tij tek persona të tretë bëhet vetëm në këtë mënyrë:



- Oferta për shitje u drejtohet të gjithë ortakëve me shkrim;
- Oferta duhet të përcaktojë numrin e kuotave që shiten dhe çmimin e tyre.

Nëse ortakët e shoqërisë brenda 3 (tre) muajve, nga oferta me shkrim, nuk pranojnë blerjen e kuotave të ofruara me çmimin e përcaktuar atëherë konsiderohet se ata lejojnë shitblerjen tek të tretët.

**13.3** Kapitali themeltar është lirisht i trashëgueshëm në rrugë trashëgimie. Bashkshorti, paraardhësit dhe pasardhësit mund të bëhen ortakë nëpërmjet transferimit të pjesëve të kapitalit themeltar sipas kushteve të trashëgimisë që lejohen në ligj.

**13.4** Transferimet e pjesëve të kapitalit themeltar sipas kushteve të trashëgimisë duhet të vërtetohen me akt noterial dhe të depozitohen në organin kompetent.

**13.5** Kapitali themeltar dhe të drejtat që gëzojnë ortakët e shoqërisë nuk janë të përpjestueshme në rast se ortakët ndryshojnë statusin e tyre civil.

**13.6** Klauzolë miratimi, Nëse asnjë ortak nuk do të ushtrojë të drejtën e parablerjes në kohë dhe sipas kushteve të parashikuar për transferimin e kuotave apo të drejtën e zgjedhjes, kalimi i kuotave nuk do të mund të bëhet pa pëlqimin e Asamblesë së Ortakëve që vendos për pranimin e transferimit te një person i tretë.

Ortakët mblidhen jo më herët se 30 (tridhjetë) ditë, por jo më vonë se 60 (gjashtëdhjetë) ditë, nëpërmjet Asamblesë së Zakonshme të Ortakëve, duke vendosur me votën pro (në favor) me të paktën gjysmën e kapitalit themeltar.

**13.7** Pëlqimi mund të refuzohet vetëm kur blerësi nuk jep garanci të mjaftueshme rreth kapaciteteve financiare ose për kushtet objektive ose për aktivitetin që kryen, të tilla që hyrja e tij në shoqëri mund të jetë e dëmshme për arritjen e objektivave nga shoqëria ose konflikt me interesat e shoqërisë apo të ortakëve të tjerë.

Asambleja e Ortakëve duhet të njoftojë me shkrim në adresën që rezulton, vendimin për miratim.

Nëse brenda afatit prej 90 (nëntëdhjetë) ditëve nga marrja e kërkesës për miratim, ortaku kërkues që nuk ka marrë asnjë komunikim miratimi do të konsiderohet si i dhënë dhe ortakët mund të transferojnë kuotën e tyre.

**13.8** Nëse miratimi i mohohet do të prezantohet një tjetër blerës. Për këtë qëllim, Asambleja e Ortakëve duhet të tregojë në letrën e refuzimit emrin e blerësit të propozuar. Transferimi duhet të plotësohet me të njëjtat kushte të përcaktuara në kërkesën për miratim nga ana e aplikantit brenda 90 (nëntëdhjetë) ditëve pas marrjes së komunikimit të fundit. Përndryshe ortaku do të jetë i lirë për të shitur pjesëmarrjen e tij, personit që konsideron më të përshtatshëm.

## KAPITULLI V

# ORGANET DREJTUESE DHE ADMINISTRIMI I SHOQËRISË

## NENI 14 ORGANET DREJTUESE

14.1 Organet drejtuese të shoqërisë do të jenë:

- Asambleja e Ortakëve.
- Administratori.

Për efekt të ndryshimeve që mund të pësojë shoqëria në të ardhmen dhe shtimit të numrit të ortakëve, këtu e në vazhdim organit zotërues të kuotave të kapitalit themeltar të shoqërisë do ti referohemi me termin Asamble e Ortakëve.

14.2 Shoqëria mund të emërojë më shumë se një Administrator. Në çdo rast, kur termi “Administrator” përdoret për të përcaktuar Administratorin e shoqërisë “INFOBIZ ADMINISTRIM” Sh.p.k, ky term nënkupton të gjithë Administratorët e saj sado qofshin këta në numër.

14.3 Përveç organeve të parashikuara më sipër Asambleja e Ortakëve mund të krijojë edhe organe të tjera drejtuese, në aktet e krijimit të këtyre organeve do të përcaktohen kohëzgjatja dhe kompetencat e tyre.

14.4 Administrator i shoqërisë për një periudhe 5 (pesë) vjeçare është emëruar **Z. BESNIK ÇANGU**.

## KAPITULLI VI ASAMBLEJA E ORTAKËVE

### NENI 15 VENDIMET E ASAMBLESË TË ORTAKËVE

15.1 Asambleja e Ortakëve vendos për çështjet që ligji apo ky status i rezervon këtij organi, si dhe për çështjet për të cilat, organi administrativ kërkon mendimin apo miratimin e ortakëve.

15.2 Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme, vetëm nëse marrin pjesë ortakët me të drejtë vote, që zotërojnë më shumë se 50% të kuotave të kapitalit themeltar.

Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, sipas ligjit mbi shoqëritë tregtare ajo mund të marrë vendime të vlefshme vetëm nëse ortakët që zotërojnë më shumë se 75 % të numrit total të kuotave të kapitalit themeltar janë të pranishëm dhe vendosin me votën 3/4 (tre të katërtave).

## **NENI 16**

### **KONSULTIMI ME SHKRIM I ORTAKEVE**

**16.1** Në përputhje me dispozitat e statutit, vendimet e ortakëve mund të merren pas një konsultimi me shkrim që organi administrativ i drejton secilit prej tyre. Në këtë rast, organi administrativ i komunikon ortakëve tekstin e projekt-vendimit që do të merret dhe kërkon të shprehin vullnetin e tyre në lidhje me këtë çështje.

**16.2** Vendimet e marra në këtë mënyrë janë të vlefshme kur vendimi merret nga shumica që ligji apo ky statut kërkon për atë çështje.

## **NENI 17**

### **MËNYRA DHE VENDI I THIRRJES I ASAMBLESË SË ORTAKEVE**

**17.1** Asambeja e Ortakëve thirret pranë selisë së shoqërisë, apo në ndonjë vend tjetër brenda Republikës së Shqipërisë, nëpërmjet një njoftimi me shkrim edhe nëpërmjet postës elektronike (E-mail), duke e konfirmuar marrjen, që iu dërgohet ortakëve nga Kryetari i Asamblesë së Ortakëve dhe / ose Organi Administrativ.

**17.2** Njoftimi i thirrjes së mbledhjes së asamblesë duhet të kryhet 15 (pesëmbëdhjetë) ditë përpara datës së mbledhjes dhe duhet të përcaktojë shprehimisht datën, orën, vendin si dhe rendin e ditës. Në rast pamundësie apo mosveprimi nga ana e organit administrativ, mbledhja e Asamblesë së Ortakëve mund të thirret nga eksperti kontabël i autorizuar, nëse ka të tillë, ose nga një apo më shumë ortakë, të cilët përfaqësojnë jo më pak se 25% të kapitalit të shoqërisë.

## **NENI 18**

### **KRYETARI I ASAMBLESË SË ORTAKEVE**



**18.1** Mbledhja e Asamblesë së Ortakëve emëron Kryetarin e Asamblesë.

**18.2** Kryetari i Asamblesë verifikon thirrjen dhe mbledhjen e rregullt të Asamblesë së Ortakëve, vërteton identitetin apo legjitimimin e ortakëve dhe drejton zhvillimin e rregullt të mbledhjes.

## **NENI 19**

### **PJESËMARRJA NË VENDIME**

Çdo ortak ka të drejtën e një vote për çdo kuote të kapitalit themeltar të shoqërisë që ai zotëron. Asnjë ortak nuk mund të përfaqësohet në mbledhjen e asamblesë nga një ortak tjetër apo nga një person i tretë, nëpërmjet një akti përfaqësimi me shkrim.



## NENI 20

### KOMPETENCAT E ASAMBLESË SË ORTAKËVE


**20.1** Asambleja e Ortakëve mund të jetë e zakonshme dhe e jashtëzakonshme, kjo në varësi të çështjes për të cilën është thirrur. Vendimet e Asamblesë së Zakonshme të Ortakëve merren me shumicë të thjeshtë të votave të ortakëve. Vendimet e Asamblesë së Jashtëzakonshme të Ortakëve merren me një shumicë të cilësuar prej 3/4 (tre të katërtave) të votave të ortakëve të shoqërisë. Për çfarë nuk është pasqyruar në këtë NENE, Asambleja e Ortakëve të shoqërisë vendos në përputhje me Ligjin Nr. 9901, datë 14. 04. 2008.

**20.2** Kompetencat e Asamblesë së Zakonshme të Ortakëve do të jenë:

- Vendos për përpilimin ose miratimin e rregulloreve për shoqërinë apo për fusha të veçanta të veprimtarisë.
- Vendos për ndryshimin e selisë së shoqërisë.
- Vendos për krijimin e zyrave ose të përfaqësive si dhe për krijimin e shoqërive ose të ortakërive me persona të tjerë fizikë apo juridikë.
- Vendos për politikën afariste të shoqërisë dhe përcakton fushat konkrete të veprimtarisë së saj.
- Emëron dhe shkarkon Administratorin e shoqërisë, ekspertin kontabël, likuidatori duke përcaktuar dhe detajuar kompetencat e tyre, të drejtat, detyrimet, kohëzgjatjen në detyrë dhe shpërblimin e tyre.
- Vendos në lidhje me krijimin e organeve të tjera drejtuese që mund ti nevojiten shoqërisë duke përcaktuar në aktet e krijimit të këtyre organeve, kohëzgjatjen dhe kompetencat e tyre, për emërimin e personave drejtues të këtyre organeve.
- Asambleja e Ortakëve marrjen e vendimeve e kryen vetë dhe nuk bën delegimin e vendimarrjes te asnjë organ tjetër.
- Asambleja e Ortakëve vendos edhe në lidhje me krijimin e sektorëve të veçantë të veprimtarisë së shoqërisë.
- Shqyrton dhe miraton bilancin vjetor të shoqërisë.
- Miraton tarifat e shërbimeve të shoqërisë.
- Miraton pagat e të punësuarëve në shoqëri.

**20.3** Kompetencat e Asamblesë së Jashtëzakonshme të Ortakëve janë:

- Vendos në lidhje me zmadhimin dhe zvogëlimin e kapitalit themeltar të shoqërisë.
- Vendos në lidhje me kohëzgjatjen e shoqërisë si dhe për mbarimin e likuidimin e saj.
- Vendos për ndryshimin e emrit të shoqërisë.



- Vendors në lidhje me ndryshimin e statutit të shoqërisë.
- Vendors për ndryshimin e formës, për ndarjen e shoqërisë si dhe për bashkimin e saj me shoqëri të tjera.
- Përcakton llojin e fondeve të ndryshme dhe masën e tyre, përcaktimin e dividendit, marrjen dhe dhënien e huave, kredive dhe borxheve.
- Realizon marrëdhëniet më të rëndësishme ekonomike dhe financiare të shoqërisë me persona të tjerë fizik apo juridik, vendas apo të huaj.
- Vendors në lidhje me transferimin e pjesëve të kapitalit themeltar të shoqërisë.

**20.4** Përveç kompetencave të lartpërmendura, të cilat janë ekskluzive për të, Asambleja e Ortakëve, ushtron çdo kompetencë që ia njeh Ligji.

**20.5** Asambleja e Ortakëve në rastet kur nuk ka emëruar Administrator, kryen dhe kompetencat që në këtë Statut janë përcaktuar për këtë të fundit. Gjithashtu Asambleja e Ortakëve mund të kufizojë Administratorin në ushtrimin e kompetencave të tij.

## NENI 21

### ADMINISTRATORI DHE KOMPETENCAT E TIJ

**21.1** Kompetencat e Administratorit ose të Administratorëve, të cilët mund edhe të mos jenë ortakë të shoqërisë, në mënyrë konkrete dhe të detajuar përcaktohen në aktin e tyre të emërimit. Veç të tjerave që mund të detajohen në këtë akt, Administratori ka edhe këto kompetenca:

- Kujdeset për funksionimin normal të përditshëm të shoqërisë ose të një pjesë të aktivitetit ekonomik dhe financiar të saj, sipas përcaktimit në aktin e emërimit.
- Përgatit dokumentacionin dhe raportet e ndryshme për gjëndjen ekonomike dhe financiare të shoqërisë sipas legjislacionit në fuqi dhe ia paraqet Asamblesë së Ortakëve për shqyrtim.
- Kordinon veprimtarinë e personave të punësuar në shoqëri.
- Ndjek problemet e shoqërisë në marrëdhënie me organet shtetërore ose cakton ndonjë prej personelit për trajtimin e këtyre problemeve.
- I propozon Asamblesë së Ortakëve tarifat e shërbimeve dhe pagat për personelin e punësuar në shoqëri.
- I propozon Asamblesë së Ortakëve rregulloren e shoqërisë.
- Administratorët kanë të drejtë të gjithë së bashku ose veçmas nga njeri tjetri të përfaqësojnë shoqërinë në lidhje me të tretët.

**21.2** Administratori ose Administratorët janë përgjegjës ndaj shoqërisë ose ndaj të tretëve qoftë për shkelje ligjore, qoftë për shkelje të statutit ose për faje të kryera gjatë ushtrimit të administrimit të shoqërisë. Përgjegjësia është individuale ose solidare, kjo në varësi të rrethanave dhe të mënyrës se si është vepruar, pra individualisht ose solidarisht.

**21.3** Administratori ose Administratorët nuk janë përgjegjës ndaj shoqërisë ose të tretëve për konfliktin e interesit që mund të krijohet duke zhvilluar pozicione të ndryshme ose të ngjashme në shoqëri dhe organizma të ndryshëm.

## **KAPITULLI VII KONTROLLI KONTABËL, BILANCI, DIVIDENTËT**

### **NENI 22 KONTROLLI KONTABËL**

Kontrolli i jashtëm kontabël i shoqërisë kryhet nga ekspertë kontabël të autorizuar sipas legjislacionit në fuqi. Asambleja e Ortakëve do të emërojë një apo më shumë ekspertë kontabël në ato raste kur emërimi i tyre konsiderohet i nevojshëm ose kërkohet në bazë të ligjit.

### **NENI 23 BILANCI DHE REZERVAT**




**23.1** Bilanci mbyllet në datën 31 Dhjetor të çdo viti. Llogaritë vjetore, inventari, raportet e vitit mbi operacionet financiare dhe raportet e hartuara nga eksperti kontabël i autorizuar i paraqiten për shqyrtim Asamblesë së Ortakëve, e cila vendos mbi miratimin, ndryshimin ose rrëzimin e këtyre akteve, kur e konsideron të nevojshme Asambleja e Ortakëve mund të bëjë rekomandimet e nevojshme në lidhje me çështjen në diskutim.

**23.2** Me mbylljen e secilit vit financiar, Administratori i vetëm merr masat e nevojshme për hartimin e projekt-bilancit të aktivitetit për vitin financiar të mbyllur në mënyrë që Asambleja e Ortakëve të vendosë mbi miratimin apo ndryshimet e mundshme të tij brenda afateve të përcaktuara nga ligji.

**23.4** Asambleja e Ortakëve në çdo moment mund të vendosë krijimin e rezervave të tjera, si dhe masën e tyre.

**23.3** Asambleja e Ortakëve vendos mbi ndarjen ndërmjet ortakëve të shumave që rezultojnë si fitime sipas bilancit të aprovuar rregullisht, pasi nga këto shuma të jenë zbritur humbjet e mundshme të viteve të mëparshme, si dhe të jenë lënë mënjanë shumat e nevojshme për krijimin e rezervës ligjore. Rezerva ligjore krijohet vit pas viti nëpërmjet lënies mënjanë të një shume të barabartë me 5% të fitimit neto të realizuar gjatë secilit vit financiar, deri sa të arrihet një shumë e barabartë me 10 % të kapitalit themeltar të shoqërisë.

**23.4** Asambleja e Ortakëve në çdo moment mund të vendosë krijimin e rezervave të tjera si dhe masën e tyre.



## KAPITULLI VII MBARIMI DHE LIKUIDIMI I SHOQËRISË, LARGIMI DHE PËRJASHTIMI I ORTAKËVE

### NENI 24 MBARIMI

Shoqëria mbaron me vendim të Asamblesë së Jashtëzakonshme të Ortakëve ose kur ka një prishje të parakohshme për arsyet e parashikuara në ligj.

### NENI 25 LIKUIDIMI

**25.1** Shoqëria hyn në procesin e likuidimit që në momentin e prishjes së saj. Për kryerjen e këtij procesi Asambleja e Ortakëve cakton një ose disa likuidues, të cilët i paraqesin asaj raportin mbi gjendjen e aktivitetit dhe pasivitetit të shoqërisë, mbi ndjekjen e operacioneve të likuidimit dhe mbi afatin e nevojshëm të përfundimit të tyre.

**25.2** Në fund të procesit të likuidimit, Asambleja e Ortakëve vendos mbi bilancin përfundimtar financiar dhe mbi mbylljen e procesit të likuidimit.

**25.3** Mbas pagimit të kreditorëve Asambleja e Ortakëve mban pjesën e mbetur të kapitalit që u shpërndahet ortakëve.

### NENI 26 LARGIMI DHE PËRJASHTIMI I ORTAKËVE

**26.1** E drejta e largimit lejohet në rastet e parashikuara me ligj.

Njoftimi i largimit duhet të dërgohet shoqërisë me shkrim dhe duhet të përfshijë emër, mbiemër të ortakut që largohet, vendbanimin, për komunikimet e nevojshme mbi procedurën e largimit dhe numrin e kuotave në lidhje me të cilat synon të largohet dhe motivimet përkatëse.

Ortakët që largohen nga shoqëria kanë të drejtë të marrin një rimbursim të kuotave në propocion të kapitalit të shoqërisë. Për këtë qëllim është përcaktuar duke marrë parasysh vlerën e tij të llogaritur në bazë të kapitalit neto.

**26.2** Shlyerja e kuotave për të cilën është ushtruar e drejta e largimit duhet të bëhet brenda 90 (nëntëdhjetë) ditëve nga komunikimi që i bëhet shoqërisë. Ajo gjithashtu mund të bëhet me anë të blerjes nga ortakët e tjerë në propocion me pjesëmarrjen e tyre ose nga një pale e tretë të identifikuar në mënyrë unanime nga ortakët. Për këtë qëllim, administratorit i kërkohet që të njoftojë ortakët e tjerë mbi mbarëvajtjen e procedurës së largimit të ortakut, dhe t'ia ofrojë për

shitje, në emër dhe për llogari të ortakut që largohet, pjesën mbi të cilën është ushtruar largimi, duke deklaruar çmimin e kuotës dhe afatin për pagesën e saj, jo më shumë se 3 (tre) muaj. Për shitjen zbatohen rregulla mbi ushtrimin e së drejtës të parablerjes në këtë Statut.

**26.3** Ortakët duhet të informojnë shoqërinë për qëllimin e tyre për të blerë kuotat e ortakut që largohet ose emrin e palës së tretë blerëse brenda 30 (tridhjetë) ditëve nga marrja e komunikimit nga shoqëria dhe qëllimin e ortakut për t'u larguar. Nëse oferta është pranuar nga shumica e ortakëve, pjesa e ortakut që largohet do të ndahet në proporcion midis ortakëve në bazë të kuotave përkatëse që kanë në kapitalin themeltare.

Nëse kjo nuk ndodh, rimbursimi do të bëhet duke përdorur rezervat e disponueshme ose në mungesë përkatësisht zvogëlimin e kapitalit, nëse nuk është e mundur një rimbursim i kuotave të ortakut që largohet, atëherë shoqëria vendoset në likuidim.

**26.4** Përfundimi i ortakut mund të bëhet, në rast të vonesës apo pamundësisë së kryerjes së punës ose shërbimeve që mund të kryhen nga një ortak.

Përfundimi duhet të përcaktohet me vendim të Asamblesë së Përgjithshme të Ortakëve me tre të katërtat e votave.

Pas zbulimit të vendimit për të përfunduar ortakun, ky i fundit është i penguar për të ushtruar të drejtat shoqërore.

**26.5** Për likuidimin e kuotës së ortakut që largohet, aplikohet procedura e rimbursimit e parashikuar për largimin, përfunduar këtu mundësia e shlyerjes së kuotës nëpërmjet reduktimit të kapitalit themeltarë dhe likuidimin e mundshëm të shoqërisë.

Përfundimi mund të revokohet, derisa kuota e ortakut të përfunduar nuk i është rimbursuar.

## **KAPITULLI IX MOS MARRËVESHJET DHE DISPOZITA TË FUNDIT**

### **NENI 27 ZGJIDHJA E MOSMARRËVESHJEVE**

Çdo mosmarrëveshje apo konflikt në lidhje me themelimin, regjistrimin, funksionimin dhe likuidimin e kësaj shoqërie, ortakët do të angazhohen se do ta zgjidhin me mirëkuptim, dhe në rast se kjo nuk arrihet, kompetente për gjykimin e mosmarrëveshjeve dhe konflikteve të mundshme do të jetë Gjykata e Rrethit Gjyqësor Tiranë.

### **NENI 28 DISPOZITA TË FUNDIT**

28.1 Shoqëria do të zhvillojë aktivitetin e saj në përputhje të plotë me këtë Statut dhe me ligjin shqiptar. Për sa nuk është parashikuar në këtë Statut, do të aplikohen dispozitat e legjislacionit shqiptar në fushën e shoqërive tregtare si dhe legjislacioni shqiptar në përgjithësi.

28.2 Shoqëria do të ketë vulën, stemën, logon dhe faqen e internetit (Website), format dhe madhësitë do të përcaktohen nga Asambleja e Ortakëve në veçanti dhe me propozim të Administratorit.


28.3 Ky Statut është hartuar në 6 (gjashtë) kopje, duke patur secili fuqi të njëjtë ligjore.

Kamëz më 8. 1. 2025


### ASAMBLEJA E ORTAKËVE TË SHOQËRISË

#### “INFOBIZ ADMINISTRIM” SH.P.K


Z. ERINDI MILO

Erindi Milo  


Z. ARMANDO SHEHI

Armando Shehi  


Z. BESNIK ÇANGU

Besnik Çangu  


Znj. FIORENTINA AGO

Fiorentina Ago  
